

御製詩初集

卷二十
至三十二

御製詩初集卷之二十

古今體九十首

甲子

甲子元旦

根荄生意動溫陽曰旦欽承和氣祥百歲喜
逢新甲子中元同慶始春王樹花玉版芳辰
頌柏子金猊合殿香嘉會萬方球小大惟應
兢業與年長

新春試筆

露井融融凍欲消

慈寧旭彩寢門朝空慙古語行時令已有新
蟾掛慶霄詩思漫隨春日至愁懷覺比昔年
饒六雲未愜豐穰兆懶向編懸問徵招

人日

高奔不暫停七葉又敷萸菜甲新鏤碧楊稊
已約青韶光歸夏屋好景自春屏負宸調元
化惟懷媿太寧

詠爆竹

軋軋平原凍草萌却教非夏以雷鳴春從和

朗聲中報人在吉祥烟裏行仙木駢羅增氣
色飛靈借助散瑤瓊東皇鼓吹連宵發百福
昌昌入鳳城

孟春有事於

太廟

條風漸噏溫春露感心源

精禴遵前制齋躬步

廟門奉

先思曷極觀德畏常存執事咸宗雋秉圭惟

孝孫樂初脩拊石禮始溯捭豚薪樵祥烟起
繚垣上曉暎

題王原祁松壑流泉小景

蜀紙纔盈尺千里江山具每於踈處佳恰向
淡中悟洞壑何竄窳雲岩若無路界青走白
龍平溪待其赴孤村關鹿柴掩映松杉樹其
背起高峰飛鳥不能度龍蔥頗萬尋展矣山
靈鑄宿聞評畫法是景誠堪住挂壁雲烟濕
卓午如日暮晏坐草亭中題此亭中句

祈穀齋居述懷

元日將

祈穀齋居滌志清

天人畏相與理欲驗方萌
澤共初春布心存
旦氣平九年勤實政一意黜虛名
每勵終如始由來滿易盈
過因德涼積災為治垂呈午
夜頻惶促衷懷益屏營
明廷咨碩輔何以慰予情

詣齋宮

五輅金根次第排斯干精室即而齋九旂日
月條風暢萬戶櫺蘓泐氣諧

松頂遙瞻覆瓦青若臨旭卉仰

圓靈夜深擬向微垣問匡衛環中第幾星

祈穀壇禮成恭紀

穀寶惟民命於

郊敢即安被田明萬燭辨位肅千官出甲當

寅月用辛禮

泰壇紫欽升大武樂具下雙鸞融盎蒼龍氣

溫暾朱鳥九祗祈

太一既敢謂寸誠單

新春恭奉

皇太后駕幸圓明園

柳眼花心各待春傳言青帝駕青輪香霏寒

圃飄金粉色轉晴絲惹麴塵最愛風光迎午

夜却離宮闕未由旬

庾信詩注支僧載外國事由旬者晉言四十里

也玉溝凍解琉璃滑恰與陽和布澤勻

誰道仙家別有京依依愛日永蓬瀛鳴春鳥

待集言補集 卷二
擇昌條語畫水魚穿嫩藻行炬為迎蟾蓮萬
朶梅因餞臘玉千莖芳年合有新詩咏物物
春臺揔向榮

望雪

望雪經冬復入春朝看雲氣只魚鱗生憎巽
二妬滕六不帝求庚亦禱辛憫我農家呼作
麥倩誰仙術化為銀如膏雨縱堪遲待無奈
徬徨結念頻

輕雲

輕雲出遠峰冉冉天同色
倏然散於風高空
不能陟當此啓蟄時
羣資發生德三冬雪未
霑奚以興稼穡民天余職任余憂曷有極
勉茲盡人事苦無回天力
德薄災洊臻忸怩臨
兆億

燈夕即事

貝闕珠宮影蕩搖風軒月宇彩飄蕭
梅心半
半如酬節柳眼將開似盼韶
饒有憂懷賦雲
漢都無閒興問星橋
火蛾玉蕊爭春麗却憶

去年三五宵

正月十八日微雨

開年已逾旬春意漸融盡富媪欲侈富狀彼
百昌狀于耜茲其時益賴天漿貺近晚瞻碧
天雲脚幕西嶂霽霽初布空靉靆日旋障入
夜始霏微霰霰勢忽暢徘徊露井陰泛澥曲
池浪稍覺寸心紓詎敢雙眉放未旱愁不雨
宵衣頻顙望既雨愁不霑遐方豈遺忘展轉
深長思何時免惆悵

王原祁夏山小景

平生山水興有餘欲買名山都無價吳綾裝
池盈尺幅千里煙嵐此中化置之五嶽伯仲
間若非東岱即西華巖業筍尖碧玉削每有
白雲出其罅陡澗懸崖若無路畧約幾板凌
空架下有泠泠珠玉聲俯瞰始見清波瀉谷
轉荒村綠樹叢掩映竹籬與茅舍蒼松皆作
老龍鱗盤拏不祈斤斧赦仄仄曲徑相通處
別有軒簫水雲榭省我遊歷蠟雙屐更無須

向山靈借常住是中讀我書何用勞勞說消夏

冰泮

解凍東風入曲池為余報道青韶媚朱欄上
下人思凭天光乍見魚潛避颼微不疊綺縠
紋旭遲初暖鴛鴦翅獨有垂楊愛濯清綠漪
着意絲絲曳我来把筆坐池畔開奩鑑影澄
無漬琉璃誰與換玻璃將母月落教星替

春夜聞鴈

甲帳燄花榮隨陽三兩鳴聞聲知是鴈見鴈
不關聲似此無來去何曾有塞衡月波方澹
澈任宿洒然清

微雨

正慮春霖短頻霑微雨滋立阿看入暮歌枕
聽移時未得簷聲續尤殷膏澤資省愆增惕
息不覺夜何其

填倉日作

開年正月二十五云是填倉節傳古月令無

徵誰所續不妨我亦聊從俗田田麪餅荷葉
鋪戟戟菲芽玉針簇已欣嘉節兆豐年更看
韶光入華屋千斯萬斯予所樂詎侈玉食媮
口腹忽憶編蘆棚底人三餐奚得充饘粥嗟
嗟玉食雖甘忍飽獨

正月二十五日過蘆溝橋

滑笏新波泛薄凌春山蒨鬱有雲興無邊詩
景蘆溝道半拂吟鞭憶我曾
憑輿歷歷好韶光麥始攢青柳欲黃只有憂

懷同渴壤幾時一例沃天漿

良鄉道中

兩年未踏良鄉道依舊嵐光罨韞紗朱戶已
收人日帖青郊行看社朝花城頭塢影連雲
淨杠底溪聲赴澗斜只有憂懷思尺澤更無
閒緒問芳華

鏡喻

一鏡照如是千鏡亦如是問汝鏡中人奚以
別彼此

人本能照鏡謂鏡能照人一二二而一誰知
踈與親

對鏡趺而坐相忘各自然香閨曼睞人却與
辨姍妍

人嘗今鏡新云是古鏡好是謂失其珠而數
他人寶

明鏡暗其背是以納萬象設令通體明一物
不能狀

見鏡斯鏡照是照不在鏡寂滅見照根炯然